

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 42. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 114. sjednici, održanoj 23.01.2026. godine,
d o n o s i

O D L U K U

o usvajanju Programa utroška sredstava u razdjelu 22 - Ministarstva za obrazovanje, nauku, kulturu i sport, pozicija „Kapitalni transferi neprofitnim organizacijama“- izvor 10, Budžeta Zeničko-dobojskog kantona za 2026. godinu,

Član 1.

(Predmet)

Usvaja se Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 615300, pozicija „Kapitalni transferi neprofitnim organizacijama“- izvor 10, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u iznosu od 550.000,00 KM (slovima: petstotinapedesethiljadakonvertibilnihmaraka), koji čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-1522/26

Datum, 23.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava u razdjelu 22 - Ministarstva za obrazovanje, nauku, kulturu i sport u
razdjelu 22, pozicija „Kapitalni transferi neprofitnim organizacijama“- izvor 10, Budžeta
Zeničko-dobojskog kantona za 2026. godinu

Član 1.

(Svrha Programa)

Svrha ovog programa je da se sredstva u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615300, pozicija „Kapitalni transferi neprofitnim organizacijama“- izvor 10, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25.), u ukupnom odobrenom iznosu od 550.000,00 KM (slovima: petstotinapedesethiljadakonvertibilnihmaraka), koriste za finansiranje, odnosno sufinansiranje projekata izgradnje, rekonstrukcije i sanacije vjerskih objekata i objekata koji imaju status nacionalnih spomenika na području Zeničko-dobojskog kantona.

Član 2.

(Visina sredstava)

Visina sredstava utvrđenih ovim programom iznosi 550.000,00 KM (slovima: petstotinapedesethiljadakonvertibilnihmaraka).

Član 3.

(Izvor sredstava)

Izvor sredstva: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25.), razdjel 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615300, pozicija „Kapitalni transferi neprofitnim organizacijama“.

Član 4.

(Kriteriji raspodjele sredstava)

Kriteriji raspodjele sredstava su:

- a) kvalitet cilja projekta,
- b) očekivani rezultati od realizacije projekta,
- c) uticaj projekta na doprinos razvoja Kantona.

Član 5.

(Korisnici sredstava)

Korisnici sredstava ovog Transfera su neprofitne organizacije sa područja Zeničko-dobojskog kantona koje podnesu zahtjev Ministarstvu za obrazovanje, nauku, kulturu i sport za finansiranje/sufinansiranje projekata izgradnje, rekonstrukcije i sanacije vjerskih objekata i objekata koji imaju status nacionalnih spomenika na području Zeničko-dobojskog kantona i za koje Vlada Zeničko-dobojskog kantona iskaže interes.

Član 6.

(Distribucija sredstava)

Distribucija sredstava: Sredstva utvrđena ovim programom u ukupnom iznosu od 550.000,00 KM (slovima: petstotinapedesethiljadakonvertibilnihmaraka), doznačavat će se neprofitnim organizacijama za finansiranje/sufinansiranje projekata u 2026. godini, a u skladu sa odlukama Vlade Zeničko-dobojskog kantona o odobravanju sredstava za finansiranje/sufinansiranje kapitalnih projekata u 2026. godini i potpisanim Ugovorima o prenosu sredstava za

finansiranje/sufinansiranje odobrenih projekata sa ovlaštenim predstavnicima neprofitnih organizacija.

Član 7.

(Realizacija Programa)

Za realizaciju odobrenih sredstva zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

(Izvještaj o namjenskom utrošku sredstava)

Korisnici sredstva su dužni da Ministarstvu za obrazovanje, nauku, kulturu i sport dostave izvještaje o namjenskom utrošku odobrenih sredstava, u roku od 15 dana od dana utroška, a najkasnije u roku od godinu dana od dana doznačavanja sredstava.

Član 9.

(Izvještaj o realizaciji Programa)

O utrošku sredstava po ovom programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

Broj: 02-11-1522/26

Datum, 23.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.